

NAŠI ALJOŠA I ALEKSANDAR NA KONFERENCIJI AIESEC-a U SARAJEVU

Studenti Fakulteta poslovne ekonomije, Aljoša Kostić i Aleksandar Perišić učestvovali su na konferenciji Winter Youth Leadership Summit 2018, koju je od 2. do 4. novembra u Sarajevu organizovala organizacija AIESEC Bosna i Hercegovina.



“Do more, be more” bila je tema ovogodišnje konferencije koja je okupila 25 mladih lidera iz BiH. Cilj konferencije je da se kod mladih razvije svijest o tome da je znanje najbolja investicija u budućnost, da se omladini uz kvalitetno obrazovanje i praktično iskustvo omogući ostanak u BiH, a da oni dalje svojim znanjem, ličnim razvojem, radom i uticajem na druge doprinesu razvoju i da postanu pokretači promjena u zemlji.



“Ideja je da kod mladih ljudi razvijemo četiri ključne osobine i to da razvojem sebe i svog potencijala mogu direktno da utiču na razvoj drugih, da budu fokusirani na ostvarenje tog cilja, da budu svjesni događaja oko sebe i u skladu sa njima da postanu pokretači promjena koje će BiH učiniti boljom zemljom. Takođe, na omladinu treba uticati kako bi postala svjesna svojih potencijala”, rekao je Aljoša. Dodao je da mu je Univerzitet omogućio da se razvija onako kako dolikuje mladom čovjeku dvadeset prvog vijeka i dao mu sve mogućnosti da napreduje, naučno se razvija mnogo šire od okvira nastave, i da utiče na pozitivne promjene. “Čini mi se da nekim ličnim postupcima i uspjesima donekle motivišem i svoju okolinu i zbog toga sam učesnik Konferencije”, istakao je na kraju.

Predavači su bili Miran Šestan, predsjednik AIESEC-a BiH, Kristina Erak, potpredsjednica AIESEC-a BiH za razvoj partnerstva i Miron Lukač, predsjednik upravnog odbora AIESEC-a BiH.

AIESEC je najveća svjetska organizacija mladih sa sjedištem u Montrealu (Kanada). Trenutno ima preko 70 000 članova iz 125 zemalja, koji svojim članstvom u AIESEC-u predstavljaju više od 2 400 univerziteta širom svijeta među kojima je i Panevropski univerzitet Apeiron.

Banja Luka, 06. novembar 2018. godina

Služba za odnose sa javnošću